

欽定滿洲源流考

卷十四
之十五

400
34
26



欽定滿洲源流考卷十四

山川一



臣等謹案高山肇迹豐水貽謀自古王業所興必有名山大川扶輿蜿蟺以翊昌運而鞏丕基我

國家啟宇遼東於山則有長白醫巫閭之神瑞於水則有混同鴨綠之靈長幹衍支分盤紆迴繚懷柔咸秩篤祚萬年臣等謹立山川一門凡史乘所載者詳為詮次用以稽古證今參同考異

欽定滿洲源流考

卷十四

山川

一

仰維

啟運

天柱

隆業三山敬奉

神宮尤為王氣所鍾坤珍所會爰首列之以著發祥之

自至若羣山衆水稱名實繁則具見於

大清一統志

盛京通志二書茲不復加甄敘云

啟運山

謹案

大清一統志

啟運山在興京城西北十里自長白山西麓一幹綿亘
至此層巒環拱衆水朝宗萬世鴻基實肇於此

御製恭謁

永陵

追王傳前籍

遺庥逮後昆高山瞻彼作德水溯茲源疆理興家室星

辰衛

欽定滿洲源流考

卷十四

山川

二

廟垣幾多瓜瓞感揮淚灑寒原

御製恭謁

永陵

四祖分

陵塋壙同

鴻禧景佑奠岐豐制因漢氏修園寢

尊擬周家號古公念結拜瞻千里外派綿繼續萬年中

曰承曰啟均予責惟敬惟勤勵此衷

御製恭瞻

啟運山作歌

長白龍幹西南來靈山

啟運神堂開源遠流長綿奕世駢蕃祀社皇圖培

肇祖衣冠秘陵室

三祖元宮千載謚讐成不共何忍言七恨興師此第一

我 景祖 顯祖陷明氏之計致不諱是以我 太祖興師討明以此為七大恨之首爰

始爰謀緬

亶父

橋山景祐猶故土昌平樵採禁至今

欽定滿洲源流考

卷十四

山川

三

朝家厚德昭千古

明季謂我朝興自遼東乃毀及金陵為壓勝我朝雖有

恨而彼南京孝陵及昌平十三陵皆為守護禁樵採厚德仁風垂則千古云

天柱山

謹案

大清一統志

天柱山在承德縣東二十里

福陵在焉近則渾河環於前輝山與隆嶺峙於後遠則

發源長白俯臨滄海洵王氣之所鍾也

御製恭謁

福陵

草昧起英雄

維皇乃眷東風雲龍虎會日月海天中

帝業千年鞏

山陵萬古崇永維

無競烈繼序矢深衷

御製恭謁

福陵

天柱隆崇萬載亨

陵山即天柱山

欽定滿洲源流考

卷十四

山川

四

福貽奕葉藉威靈風雲儼若通

神粹龍虎常如護

帝局黍稷一時陳俎豆瞻依千載易霜星敬觀

實錄思開創每悉

艱難淚雨零

隆業山

謹案

大清一統志

隆業山在承德縣西十里

昭陵在焉白城東北疊巘層巒至此而寬平宏敞有包
羅萬象統御八荒之勢遼水右迴渾河左繞輪
困葱鬱永固丕基

御製恭謁

昭陵

早是天欽漢何曾鹿逐秦百年經五世一壘豈三
旬

太室丞嘗永

元宮松柏新紹庭懷積悃展拜此時申

欽定滿洲源流考

卷十四

山川

五

御製

昭陵石馬歌

在昔穆王八駿追雲霞耄荒忘返天之涯太乙况
漢天馬來樂府曾聞產渥洼注勤勞血汗事何有雌
黃徒惹詩人口不如漢文却受千里駒吉行五十
符陽九周家岐渭始勤農我朝三韓奮跡實彎弓
由來受命雖有異艱難創業多齊蹤

太宗馬上得天下房駟星輝天錫嘏

叶

大白小白協安

吉

故老云

昭陵前石馬一名大白一名小白

蓋文皇帝所御也文皇帝體豐而體

重乘小白日行百里乘大白祇能行五十里云至今立仗

昭陵貽石馬遐思我

祖如唐宗陵園廟號先後同汗趨嘗傳杜甫句闡揚

光烈千秋隆六御今年來故里貞觀遺跡餘荒壘唐壘在廣

寧縣城東南相傳唐太宗征高麗駐兵之所

文皇曾亦討寒盟

謹案昭陵神功聖德碑云天聰二年以朝鮮毀盟討之拔其都載飛

舸於車凌江華島李倬自縛請為臣釋之還并歸其俘獲乘此雙龍渡沮水文

綏武服為蕃屏萬年正朔奉永清不似李唐東征

悔失計仆碑重建思魏徵

欽定兩洲源流考

卷十四

山川

六

御製恭謁

昭陵

丕顯

丕承王業昭肇基

景命大清朝那同鼎足分三國可擬

戎衣定一朝兩白常趨石馬汗

陵前立仗石馬曰大白小白蓋太宗當日

所乘以畧陣破堅老萬青永護玉峯標元孫五世親陳奠優

愾

聲容未覺遙

長白山

御製駐蹕吉林境望叩長白山

吉林真吉林長白鬱嶽岑作鎮會聞古鍾祥亦匪

今邠岐經處遠雲霧望中深天作心常憶明禋志

倍欽

御製望祭長白山作

詰旦升柴温德亨

山名建望祭殿於此

高山望祭展精誠椒馨次第申三獻樂具鏗鏘叶六

英五嶽真形空紫府萬年

欽定滿洲源流考

卷十四

山川

七

天作佑皇清風來西北東南去吹送羶薌達玉京

山海經大荒之中有山名不咸在肅慎氏之

國

晉書肅慎氏一名挹婁在不咸山北

魏書勿吉國南有徒太山魏言太白有虎豹

熊狼不害人人不得山上洩汗行逕山者皆

以物盛去

北史靺鞨國南有從太山者

案魏書隋書俱作徒太山通考

與此同

華言太皇

案魏書作太白與此異

俗甚敬畏之人

不得山上洩汗行經山者以物盛去上有熊
羆豹狼皆不害人人亦不敢殺

新唐書靺鞨居肅慎地粟末部居最南抵太
白山亦曰徒太山與高麗接

新唐書渤海大氏度遼水保太白山之東北
阻奧婁河樹壁自固

通典挹婁卽古肅慎其國在不咸山北

太平寰宇記挹婁國在不咸山北夫餘北千

里按通考云在夫
餘東北千里

欽定滿洲源流考

卷十四

山川

八

契丹國志長白山在冷山東南千餘里乃白
衣觀音所居其山禽獸皆白

金史女真地有長白山

金史昭祖耀武至于白山八于率賓扎蘭之
地所至克捷還經佛頁水

金史會寧府會寧縣有長白山

金史大定十七年省臣奏咸平府路一千六
百餘戶自陳皆長白山錫馨珊沁河女真人
遼時僉爲獵戶移居于此號伊勒敦部本朝

之興首詣軍降仍居本部今乞釐正從之

〔金史〕祭祀志天定十二年有司言長白山在興王之地禮合尊崇議封爵建廟字十二月禮部太常學士院奏奉敕旨封興國靈應王卽其山北地建廟字十五年三月奏定封冊儀物冠九旒服九章玉圭玉冊函香幣冊祝遣使副名一員詣會寧府行禮官散齋二日致齋一日所司於廟中陳設如儀廟門外設玉冊袞冕幄次牙仗旗鼓從物等視一品儀

欽定滿洲源流考

卷十四

山川

九

禮用三獻祭如嶽鎮其冊文曰自兩儀部判山嶽神秀各鍾于其分野國將興者天實作之對越神休必以祀事故肇基王迹有若岐陽望秩山川於稽虞典厥惟長白載我金德仰止其高實惟我舊邦之鎮混同流光源所從出秩秩幽幽有相之道列聖蕃衍熾昌迄於太祖神武徵應無敵於天下爰作神主肆予冲人紹休聖緒四海之內各山大川靡不咸秩矧王業所因瞻彼旱麓可儉其禮服章

爵號非位于公侯之上不足以稱焉今遣某
官某持節備物冊命茲山之神為興國靈應
王仍勅有司歲時奉祀於戲廟食之享亘萬
億年維金之禎與山無極豈不偉歟自是每
歲降香命有司春秋二仲擇日致祭明昌四
年十月備袞冕玉冊儀物上御大安殿用黃
麾立仗八百人行仗五百人復冊為開天宏
聖帝

金史章宗泰和二年遣使報謝于長白山

欽定滿洲源流考

卷十四

山川

十

金史昭祖族人果布者從昭祖耀武至于白
山

金史溫都布拉始居長白山阿布繖河徙隆
州額勒敏河

金史昭祖耀武至於青嶺白山舒嚕佐之也
元一統志開元路長白山在舊會寧縣南六
十里橫亘千里高二百里其頂有潭周八十
里淵深莫測南流於鴨綠江北流於混同江
今呼為松阿哩江東流為愛呼

舊訛阿也
苦今改正河

明一統志長白山在故會寧府南六十里橫
亘千里高二十里其巔有潭周八十里

附覺羅吳木訥原奏內大臣覺羅吳木訥等
謹題爲遵

旨看驗長白山事康熙十六年四月十五日內大臣
覺羅吳木訥一等待衛兼親隨侍衛首領臣
耀色等奉

上諭長白山係本朝

祖宗發祥之地今乃無確知之人爾等四人前赴鎮

欽定滿洲源流考

卷十四

山川

十一

守烏拉地方將軍處選取識路之人往看明白以
使酌量行禮臣等欽遵於五月初五日起行本月
十四日至

盛京二十三日至烏拉地方轉宣

上諭于將軍等隨查烏拉寧古塔及烏拉獵戶所居
村莊等處俱無確知長白山之人僉云曾遠
望見惟都統尼雅罕之宗族達穆布魯原係
採獵之人稱原在窟赫訥陰地方居住雖不
曾躋長白山巔曾聞我父云如往獵于長白

山脚獲鹿肩負以歸途中三宿第四日可至家以此度之長白山離額赫訥陰地方不甚遙遠等語因訪問赴額赫訥陰水路幾日陸路幾日可至亦有知額赫訥陰陸路之人否據管獵戶噶賴達額赫等口稱如乘馬由陸路十日可至如乘小舟二十日可至倘遇漲阻難計日期有獵戶喀喇者能知陸路等語

臣

等隨議每人攜三月糧而往又思或三月

糧盡或馬力疲乏亦不可定隨語鎮守寧古

塔將軍巴海可載一船米於額赫訥陰地方預備巴海云大船不能過松花江大險處當載米十七小船以往又與噶賴達額赫約我輩乘此馬匹肥壯速由陸路往看過長白山回時再由水路逆流而上前赴額赫訥陰地方約定_臣等帶固山達薩布素於六月初二日起行經過溫德亨河阿虎山庫呼訥林初爾薩河呼沱河沙布爾堪河納丹佛勒地方輝發江法河穆敦林巴克塔河納爾琿河敦

敦山卓龍窩河等處及至訥陰地方江干不
意額赫乘小舟而行半月程途七日齊至因
語固山達薩布素我輩乘小舟由江中逆流
前赴額赫訥陰地方汝帶官兵馬匹由幹努
河逆流而上由佛多和河順流而下至額赫
訥陰相會約定遣發去後臣等於十一日至
額赫訥陰薩布素等初十日已至因前去無
路一望林木與薩布素商議令閒散章京尼
喀達與識路徑之喀喇帶領每旗甲士二名

前行伐木開路并諭如望見長白山可將行
幾日方望見有幾許路程相度明確來報隨
於十二日發遣前行去後本日據固山達薩
布素差人前來報稱我等別後行三十里至
一山頂上望見長白山不甚遙遠似止有一
百七十八里等語又續遣艾哈來報稱先差
人來後又至一高山頂上望見長白山甚明
約有百餘里上見有片片白光等語臣等赴
未有雨水之時急往看視因留噶賴達額赫

督捕珠蚌於十三日起行十四日與固山達
薩布素等會於樹林中揣摩開路前進十六
日黎明聞鶴鳴六七聲十七日雲霧迷漫不
見山在何處因向鶴鳴處尋路而行適遇鹿
蹊由此前進直至長白山脚下見一處周圍
林密中央地平而圓有草無木前面有水其
林離駐劄處半里方盡自林盡處有白樺木
宛如栽植香木叢生黃花燦爛臣等隨移於
彼處駐劄步出林外遠望雲霧迷山毫無所

欽定滿洲源流考

卷十四

山川

十四

見臣等近前踣誦

綸音禮拜甫畢雲霧開散長白山歷歷分明臣等不
勝駭異又正值一路可以躋攀中間有平坦
勝地如築成臺基遙望山形長濶近觀地勢
頗圓所見片片白光皆冰雪也山高約有百
里山頂有池五峯圍繞臨水而立碧水澄清
波紋蕩漾池畔無草木臣等所立山峯去池
水約有五十餘丈周圍寬濶約有三四十里
池北岸有立熊望之甚小其繞池諸峯勢若

傾頽頗駭瞻視正南一峯較諸峯稍低宛然如門池水不流山間處處有水由左流者則爲松阿哩烏拉右流者則爲大訥陰河小訥陰河繞山皆平林遠望諸山皆低相視畢禮拜下山之際岸頭有鹿一羣他鹿皆奔獨有七鹿如人推狀自山岸陸續滾到山下閃散章京等駐立之處臣等不勝駭異因思正在乏食此殆山靈賜與者隨望山叩謝臣等上山之時原有七人也自得鹿之處退至二二三

欽定滿洲源流考

卷十四

山川

五

十步回首瞻望又忽然雲霧迷山臣等因清淨勝地不宜久留於十八日言旋回望雲霧朦朧不得復見山光矣二十一日回至二訥陰河合流之處二十五日回至恰庫河此河乃訥陰東流會合之所二十八日正行之際適遇頒到

勅旨當經叩頭謝

恩訖二十九日自恰庫河乘小舟而歸經過色克騰險處圖伯赫險處噶爾漢險處噶達琿險處

薩滿險處薩克錫險處法克錫險處松阿哩
大險處多瑋險處乘一葉小舟歷此大江九
險得以無恙而渡者皆仰賴

皇上洪福之所致也七月初一日回至烏拉地方本
月十二日至寧古塔徧看會寧府等處地方
畢七月十七日自寧古塔起行八月二十一

日抵京師

按自古言長白山者皆得自傳聞
想像之詞我朝

發祥基

業媿美幽岐康熙年間吳木訥等奉
旨親往看驗所載尤為詳確謹附錄於此

按長白山在吉林烏拉城東南橫亘千餘里

欽定滿洲源流考

卷十四

山川

六

東自寧古塔西至奉天府諸山皆發脈於此
山巔有潭為鴨綠混同愛濬三江之源古名
不咸山亦名太白山亦名白山亦名徒太山
亦名太末山其名長白山則自金始也金大
定十二年封太白山神為興國靈應王即其
山北地建廟字明昌四年復冊為開天宏聖
帝

本朝康熙十七年尊為長白山之神遣大臣致祭
懷柔之典以時舉行又按長白山南麓蜿蜒

磅礴分爲兩幹其一西南指者東界鴨綠江
西界佟佳江麓盡處兩江會焉其一繞山之
西而北亘數百里以其爲衆水所分舊謂之
分水嶺西至於

興京邊茂樹深林幕天翳日者土人呼爲納嚕窩
集從此西入

興京門遂爲

啟運山自納嚕窩集而北一岡袤四十餘里者土人
呼爲果爾敏珠敦卽長嶺也復西指入英額

欽定滿洲源流考

卷十四

山川

七

邊門遂爲

天柱

隆業二山迴旋盤曲虎踞龍蟠其間因地立名爲山
爲嶺者不一皆此山之支裔也山之靈異自
昔稱名而

神聖發祥於今爲盛萬世鴻基與天無極矣

金史祭祀志大定二十五年封上京護國林

神爲護國嘉蔭侯毳冕七旒服五章圭同信
圭遣使詣廟以三獻禮祭告其祝文曰蔚彼

長林實壯天邑廣表百里惟神主之廟貌有
嚴侯封是享歆時蠲潔相厭滋榮自後遇月
七日上京幕官一員行香著爲令案今盛
京窩集至
多金時所稱護國林在上
京今附於長白山之後

青嶺

〔金史〕上京山有青嶺

〔金史〕會寧府在會寧縣山有青嶺

〔金史〕初烏蘇展部有女名博多和青嶺東混
同江舒舒水人掠而去生二女昭祖與舒嚕

欽定滿洲源流考

卷十四

山川

六

謀取之遂偕至嶺右炷火於箭端而射舒舒
水人怪之

〔金史〕昭祖耀武至於青嶺

〔金史〕拉必瑪察剽呼拉布灤牧馬過青嶺東
與烏春烏木罕交結世祖自將伐之

〔金史〕拉必瑪察與世祖戰于野鵲水世祖中
四創軍敗拉必使吉遜圖罕等過青嶺見烏
春賂諸部與之交結烏春以古哩甸兵百十
七人助之

金史天輔六年三月都統杲出青嶺宗翰出
瓢嶺追遼主於鴛鴦灤

金史宗翰至奚王嶺與都統杲會杲軍出青

嶺宗翰軍出瓢嶺期於羊城灤按今有大青
山在開原城

東南四十里
疑卽是也

瑪奇嶺

金史上京山有瑪奇舊作馬紀
今改正嶺

金史會寧縣有瑪奇嶺

金史錫馨海蘭水烏凌阿部人昭祖柩至海

欽定滿洲源流考

卷十四

山川

九

蘭水錫馨攻而奪之昭祖之徒告於佛穆丹
與瑪奇嶺赫伯村完顏部蒙克巴圖等募軍
追及之與戰復得柩

金史世祖自將過瑪奇嶺至烏木罕村與罕
都合至阿卜薩水嶺東諸部皆會

金史穆宗使薩哈取瑪奇嶺道攻阿蘇行次
阿卜薩水色埒謂薩哈曰宜先撫定珊沁錫
馨路合軍未晚也遂攻下通恩城與穆宗會

阿蘇城下

金史阿蘇起兵穆宗自瑪奇嶺出兵攻之薩哈自和倫嶺往畧定珊沁錫馨兩路攻下通恩城穆宗至阿齊呼水益募軍至阿蘇城

金史康宗時率賓水民不聽命使威泰等至呼爾哈川召諸官僚告諭之鴻觀部率賓水居沃赫貝勒不至威準部哲爾德部既至復亡去烏塔遇二部長於瑪奇嶺執之而來

金史威準部達薩塔貝勒哲爾德部薩克蘇貝勒遜去遇烏塔于瑪奇嶺烏塔遂執二人

欽定滿洲源流考

卷十四

山川

三

以降

金史康宗使博囉報聘高麗且取亡命之民康宗畋於瑪奇嶺伊智村以待之

案瑪奇嶺未詳所在

以金史所載考之當在吉林烏拉境內

伊勒呼嶺

金史自景祖以來兩世四主志業相因一切治以本部法令東南至於伊勒呼

舊作乙離骨今改正

海蘭扎蘭托卜古倫東北至於五國矩威圖塔金蓋盛於此

金史伊勒呼嶺布薩部居高麗女真之兩間
穆宗使族人招之伊勒呼嶺東諸部皆內附
金史康宗使碩碩歡以錫馨圖們之兵往至
伊勒呼嶺益募兵趨和尼水徇地海蘭甸攻
叛亡七城二年四月高麗復來攻碩碩歡以
五百人禦於布騰水復大破之追入布騰水
高麗請和使色埒經正疆界至伊勒呼嶺海
蘭甸和尼水留兩月色埒不能聽訟康宗遣
碩碩歡往立幕府於珊沁水

欽定滿洲源流考

卷十四

山川

三

金史太祖命雙寬綽和等撫定伊勒呼嶺綽
滿水之西諸部居民

案金地理志有伊勒呼
水亦屬海蘭路近高麗

界

長嶺

新唐書長嶺營州道也

唐賈耽道里記渤海長嶺府千五百里至渤

海王城

案渤海王城在今寧古塔境吉林西
南五百里有長嶺子滿洲語爲果勒

敏珠敦自長白山南一嶺環繞至此爲衆水
分流之地渤海曾置府于此又錦州復州雖
俱有長嶺不若此之
最著也詳前疆域門

東牟山

舊唐書渤海大祚榮保桂婁新唐書作挹婁之故地
據東牟山築城以居之

新唐書渤海本粟末靺鞨保挹婁之東牟山
遼史渤海大氏始保挹婁東牟山

金史李勣破高麗粟末靺鞨保東牟山

元一統志東牟山在瀋陽路挹婁故地唐滅
高麗粟末靺鞨保挹婁之東牟山即此

明統志東牟山在瀋陽衛東二十里唐高宗

欽定滿洲源流考

卷十四

山川

三

平高麗渤海大氏以衆保挹婁之東牟山即
此案今承德縣城東二十里為
天柱山當即東牟山也

輝山

明統志輝山在瀋陽東北四十里層巒疊嶂
為諸山之冠案輝山在今承德
縣東北四十里

白平山

山海經遼水出白平東

水經大遼水出塞外御亦作
衛白平山

水經注遼水亦言出砥石山案遼河有兩源
東源出吉林之

庫呼訥窩集西源卽潢河也白
平砥石之名或古今稱名之異

遼山 瑚呼瑪山

漢書地理志高句麗遼山遼水所出入大遼

水

水經高句麗縣有遼山小遼水所出

水經注小遼水出遼山

元一統志渾河源出廢貴德州東北瑚呼瑪

山 案渾河卽小遼水源出長白山
納嚕窩集諸書皆傳聞之異

庫堪山

欽定滿洲源流考

卷十四

山川

三

金史景祖時舒嚕之子噶順舉部來歸居于

阿勒楚喀水源庫堪 原作胡凱
今改正 山之南庫堪

山者所謂和陵之地是也沃呼部博諾與其

兄弟居阿勒楚喀水之北及烏春作難博諾

誘烏魯斯哈珠水居人與之相結 案今阿勒
楚喀河源

出阿勒楚喀城東北里許
北松阿山古今異名也

果囉山

明統志果囉山在都司城東北五百里大梁

水發源於此 案太子河源出
吉林薩木禪山

馬鞍山

明統志馬鞍山在三萬衛東北四百里建州

東按馬鞍山在吉林烏拉城西北一百二十里高六十步周四里

冷山

宋史洪皓傳皓使金流遞於冷山地苦寒四

月草生八月已雪穴居百家陳王烏舍聚落

也

松漠紀聞冷山去燕山三千里去金都二百

餘里案本傳雲中至冷山行六十日距金主所都僅百里去寧江州百

欽定滿洲源流考

卷十四

山川

十四

七十里案扈從日錄額木赫索囉站東北二百餘里為冷山自必爾罕必喇北望

相去約數十里積素凝寒高出眾山之
上土人呼為白山以其冬夏皆雪也

德林石

金史世祖擒拉必獻于遼主并言烏春助兵

之狀遼主使人問狀烏春曰未嘗與拉必為

助也德林石之北古哩滿洲語遷移也舊作姑里今改甸之

民所管不及此案德林石在寧古塔城西九

站之南抵呼爾哈河有大石廣二十餘里孔
洞大小不可數計或圓或方或六隅八隅如
井如盆如池深或丈餘或數尺中有泉澄然
凝碧或潛鱗游泳或中生樺榆等樹夏無蚊

蚩麋鹿羣聚于中名曰德林
石渤海有德里府亦是其處

龍首山

明統志龍首山在鐵嶺東二里
案龍首山在今鐵嶺縣城

東二里許

蛇山

遼史遼州本拂涅國城有蛇山
案蛇山在今鐵嶺縣西一

里百五

刁蹕山

明統志刁蹕山在三萬衛西南一百五十里

欽定滿洲源流考

卷十四

山川

三

遼河西岸

案刁蹕山在今鐵嶺縣西北七十里俗呼貂皮山

醫巫閭山

御製過廣寧望醫巫閭山恭依

皇祖聖祖仁皇帝元韻

海旭凝螺黛罡風削玉蓉靈奇經覽乍

聖跡躡尋重過客羣停轡仙人迴矗峯

是山有仙人巖桃花洞聖水盆

北鎮廟諸奇勝

徒思山側逕未撫寺前松萬古為幽鎮千

秋湖舜封崇功標地紀秩祀偶天宗截辟疑鸞鳳

巉峘突連龍盈眸欣積素步馬遲婁胸

御製杪秋遊醫巫閭山得五言三十韻

奧宇坤維鎮神堂碣石開龍從參漢迴案衍向陽

恢舜典升柴載山經括地眈昔曾望巒嶺癸亥歲有過廣

寧望醫巫閭山之作今已近壇咳禋祀帛籩薦威儀卿尹陪

達誠仙闕退問景玉鞭催驀入栗梨塹延緣菊施

堆圃場崇有積雞犬靜無猜頻見耕荒隧疇能保

一疔日高方覺暖風細不生埃盤谷深成阻牛山

久已咳寺顏僧避去屋寂鳥飛來遂造崎嶇遍從

看草木纔地靈自呵護天意本栽培寫霧豁宮霍

欽定滿洲源流考

卷十四

山川

三

流斯落漩洄柳書人作字松抱石為胎初狹塵凡

限中宏造化胚便因窮窈窕旋命減輿儻詰曲遵

碕逕蒙茸藉嫩苔懸崖飛瀑水切顛聳瑤臺右聖水盆

尚有芝英碣寧妨薦福雷右蚪碑武陵雖假借洞口

試徘徊作記徵彭澤成詩憶楚材右桃花洞寧知進士

第轉遜岳陽杯右呂公崖肥遜幽棲處翹思獨往才右道

隱谷雲巢真可號龍種是誰栽右雲巢松最後中峯轟居

然一笠鬼右曠觀亭海天惟浩蕩心目與兼該始遇欣

佳矣曠觀誠壯哉安期如却掃意不在蓬萊

御製祭北鎮醫巫閭山

敬謁

橋山大典昭旋輿蠲吉祀寅朝提封於昔更無北望秩
而今溯有姚廟古百王虔盛享

神庥億載佑全遼高低黍稻盈幽野歲歲顒祈風雨

調

周禮職方氏東北曰幽州其山鎮曰醫巫閭
北魏書和平元年正月帝幸遼西望祀醫巫
閭山

欽定滿洲源流考

卷十四

山川

七

隋書開皇十四年閏十月詔北鎮醫巫閭山
就山立祠

唐六典立冬之日祭北鎮醫巫閭於營州
文獻通考唐武德貞觀之制五嶽四鎮年別
一祭各以五郊迎氣日祭之祭北鎮醫巫閭
於營州

冊府元龜天寶十載遣范陽郡司馬祭醫巫
閭山廣寧公

宋史秘書監李至言案五郊迎氣之日皆祭

逐方嶽鎮海瀆望遵舊禮就迎氣日各祭于所隸之州長吏以次爲獻官立冬祀北鎮醫巫閭山于定州案宋時北鎮遠隔封外是以止于定州望祭許亢宗奉使行程錄出渝關以東南行瀕海忽峭拔摩空蒼翠萬仞乃醫巫閭山也

遼史人皇王性好讀書購書數萬卷置醫巫閭山絕頂築堂曰望海山南去海一百三十里山形掩抱六重

金史大定四年詔依典禮立冬祭北鎮醫巫閭山于廣寧府

元史至元三年定歲祀嶽鎮海瀆之制十月土旺日祀醫巫閭山于遼陽廣寧府界

明史洪武三年詔定嶽鎮海瀆神號北鎮曰醫巫閭山之神

明會典祭北鎮醫巫閭山于遼東

明統志醫巫閭在廣寧衛西五里舜封十二山以此爲幽州之鎮自是遂以爲北鎮其山掩抱六重故又名六山案醫巫閭山在今廣寧縣西四十里周二

百四
十里

千山

御製望千山

我聞古來稱輿區必有名山爲作鎮况茲遼陽實
 天府義經已兆帝出震長白巫閭衆所瞻千山亦
 復高千仞設在晉郊魯甸間太華泰岱應齊峻我
 來譙邑攬形勝南望巘岈映青潤朝嵐夕靄儼相
 接巒光峰態如堪引龍泉祖樾久聞名靈蹟相傳
 半疑信何時長嘯眺滄海

據盛京通志千山香巖
 寺中有仙人臺俯瞰滄

欽定滿洲源流考

卷十四

山川

三

海如布
 几席云千仞岡頭衣始振

明統志千山在遼東都司城南六十里峰巒

叢密中有龍泉祖樾香巖中會等寺下有羅

漢洞龍泉 案千山在今遼陽州南六十里世
 傳唐太宗征高麗時駐蹕於此

十三山

御製閭陽驛望十三山

當前誰展十三屏古縣荒涼考奉陵 出金
 史百載埃

臺烽火息山青雲白自層層

五代史附錄胡嶠等東行過一山各十三山

遼史顯州有十三山

遼史燕王淳討武朝彥至乾州十三山

許亢宗奉使行程錄出渝關東路平如掌至

此微有登陟經由十三山下

元一統志十三山在廣寧府南一百十里

明統志十三山在廣寧右屯衛北三十里山

下有洞山上有池

案十三山在今錦縣東七十五里周二十里峯有十

三故名

首山 亦名駐蹕山又名手山

欽定滿洲源流考

卷十四

山川

三

三國志景初二年司馬懿征公孫淵軍至遼

東八月丙寅大流星長數十丈從首山墜襄

平城南

三國志司馬懿伐公孫淵潛濟遼水進至首

山大破淵軍遂圍襄平

新唐書貞觀十八年車駕度遼水軍於馬首

山

遼史遼陽府有駐蹕山唐太宗征高麗駐蹕

其巔數日勒石紀功焉俗呼手山

按唐書貞觀十九年

太宗親征高麗破遼東城降白崖進攻安市
城高麗僭薩高延壽率衆十五萬來援太宗
自山而下引軍臨之賊大潰延壽等降囚名
所幸山爲駐蹕山命書侍郎許敬宗爲文
勒石以紀其功今考駐蹕山凡數處一爲首
山唐書稱馬首遼史稱手山在遼陽城西南
接海城縣界唐太宗初渡遼水攻遼州時駐
營之山也一在安市城外唐太宗旣得遼州
巖州進攻安市所駐之山唐書所載名所幸
山爲駐蹕山及李勣從戰駐蹕山功最多者
是也又駐蹕山一名六山則醫巫閭也又蓋
平東百十餘里分水嶺諸山相傳唐太宗駐
蹕處又海城西南十里有平頂山一名車駕
山亦傳唐太宗駐蹕處而首山與安市城外
之駐蹕山地志多誤
爲一山謹附訂於此

金史韓魯克瀋州與高永昌隔鄂勒和水衆

欽定滿洲源流考

卷十四

山川

三

遇淖不能進棟摩以所部先濟軍東京城下
城中人來戰棟摩破之于首山殲其衆

明統志首山在都司城南十五里連海州衛
界山頂平石之上有掌指之狀泉出其中挹
之不竭晉司馬懿圍公孫淵于襄平卽此唐
太宗征高麗駐蹕其巔數日勒石紀功因改

爲駐蹕山 案明志亦沿
遼史之誤

明玉山

遼史東京遼陽府有明玉山

元一統志明王山在遼陽縣東三十里契丹地志云夫餘王東明葬于此因以為名

明統志明山在復州衛東十里元志有明王

山即此

案今復州東十里為東屏山疑即是也

華表山

亦名白石山亦名橫山

新唐書顯慶四年薛仁貴破温沙多門於橫

山

遼史東京道遼陽府有白石山亦曰橫山

元一統志華表山俗呼為橫山因丁令威化

欽定滿洲源流考

卷十四

山川

三

鶴得名

明統志華表山在都司城東六十里因丁令

威得名俗呼為橫山

案華表山在今遼陽州東六十里遼陽州為遼

之東京道遼陽府考遼史載遼陽府所屬仙鄉縣因丁令威化鶴而得名則華表山即遼

時之白石山無疑

熊岳山

遼史熊岳縣西至海一十五里傍海有熊岳

山

案望海山在蓋平縣西南三十五里其山傍海遼史熊岳疑即此

金山

〔通典〕唐乾封二年薛仁貴破高麗於金山進

拔夫餘城

案夫餘城東接挹婁西接鮮卑在遼為通州金為咸平府地

〔明統志〕金山在開原西北三百五十里遼河

北岸又西北三十里曰東金山又二十里曰

西金山三山綿亘三百餘里與烏梁海接境

蒺藜山

〔金史〕天輔元年烏楞古等敗耶律聶哱兵於

蒺藜山拔顯州乾懿豪徽成川惠等州皆降

〔金史〕遼耶律聶哱軍於蒺藜山烏楞古以兵

欽定滿洲源流考

卷十四

山川

三

一萬戍東京與戰於蒺藜山大敗之追北至

額勒錦坡遂圍顯州

案蒺藜山在廣寧縣境外

龍鳳山

〔元一統志〕大蟲江在遼陽路發源龍鳳山分

水嶺下東南流經廢博索府南合于鴨綠江

〔明統志〕龍鳳山在遼東都司東南大蟲江發

源於此

案鳳凰城西北八十五里有龍鳳臺山

鳳凰山

〔元一統志〕鳳凰山在利州南十三里南北一

十里東西廣三里相傳鳳凰嘗止其上故名

明統志鳳凰山在都司城東三百六十里上

有壘石古城可容十萬眾唐太宗征高麗駐

蹕於此案今鳳凰城東南五里有鳳凰山

噶哈嶺太祖高皇帝甲申年征渾河部鑿道噶哈嶺

太蘭岡太祖乙酉年擊敗渾河諸部兵於此

吉林崖太祖乙酉年擊敗哲陳渾河諸部兵於此

古呼山太祖癸巳年破葉赫哈達等九部兵於此

扈爾奇山太祖丁未年平之在輝發河邊國初輝發國城在焉

欽定滿洲源流考

卷十四

宜罕山國初屬烏拉國太祖戊申年攻取之

伊瑪護山岡太祖壬子年征烏拉築木城於此

薩爾滸山太祖己未年大破明師於此

御製己未歲我

太祖大破明師於薩爾滸山之戰書事

蓋聞國之將興必有禎祥然禎祥之賜由乎

天而致

天之賜則由乎人予小子於己未歲我

太祖大破明師於薩爾滸之戰益信此理之不爽也爾

時草初開基筭路藍縷地之里未盈數千兵之衆
弗滿數萬惟是

父子君臣同心合力師直爲壯荷

天之龍用能破明二十萬之衆每觀

實錄未嘗不流涕動心思我

祖之勤勞而念當時諸臣之宣力也謹依

實錄敘述其事如左

已未二月明帝命楊鎬杜松劉綎等統兵二十萬
號四十萬來攻左翼中路以杜松王宣趙夢麟張

欽定滿洲源流考

卷十四

山川

三五

銓督兵六萬由渾河出撫順關右翼中路以李如
柏賀世賢閻鳴泰督兵六萬由清河出鴉鶻關左
翼北路以馬林麻岩潘宗顏督兵四萬由開原合
葉赫兵出三岔口右翼南路以劉綎康應乾督兵
四萬合朝鮮兵出寬甸口期並趨我興京三月朔
我西路偵卒遙見火光馳告甫至而南路偵卒又
以明兵逼境告我

太祖曰明兵之來信矣南路駐防之兵有五百卽以此
拒之明使我先見南路有兵者誘我兵而南也其

由撫順關西來者必大兵急宜拒戰破此則他路
兵不足患矣即於辰刻率大貝勒代善後封禮親王及
眾貝勒大臣統城中兵出而令大貝勒前行時偵
卒又以明兵出清河路來告大貝勒曰清河之界
道途偏仄崎嶇兵未能驟至我兵惟先往撫順以
逆敵兵遂過扎喀關與達爾漢侍衛扈爾漢後授三等
子世職集兵以待

上之至時

四貝勒即我宗文皇帝太以祀事後至謂大貝勒曰界藩山

欽定滿洲源流考

卷十四

山川

三

上我築城夫役在焉山雖險儻明之將帥不惜士
卒奮力攻之陷夫役柰何我兵宜急進以安夫役
之心大貝勒等善是言下令軍士盡擐甲日過午
至太蘭岡大貝勒及扈爾漢欲駐兵隱僻地以待
敵

四貝勒艱然曰正宜耀兵列陣明示敵人壯我夫役士
卒之膽俾并力以戰何故令兵立隱僻地耶巴圖

魯額亦都後為一等大臣曰

貝勒之言是也我兵當堂堂正正以向敵人遂督兵赴

界藩對明兵營列陣而待初衆貝勒兵未至我國
防衛築城夫役之兵僅四百人伏薩爾澣谷口伺
明總兵杜松王宣趙夢麟之兵過谷口將半尾擊
之追至界藩渡口與築城夫役合據界藩山之吉
林崖杜松結營薩爾澣山而自引兵圍吉林崖仰
攻我兵我兵四百人率衆夫役下擊之一戰而斬
明兵百人時我國衆貝勒甫至見明兵攻吉林崖
者約二萬人又一軍列薩爾澣山巔遙爲聲勢四
大貝勒與諸將議曰吉林崖巔有防衛夫役之兵
四百人急增千人助之俾登山馳下衝擊而以右
翼四旗兵夾攻之其薩爾澣山之兵則以左翼四
旗兵當之遂遣兵千人往吉林崖

上至問四大貝勒破敵策四大貝勒具以前議告

上曰日暮矣且從汝等今分右翼四旗之二與左翼四
旗兵合先破薩爾澣山所駐兵此兵破則界藩之
衆自喪膽矣再令右二旗兵遙望界藩明軍俟我
兵由吉林崖馳下衝擊時并力以戰是時我國近
都城之兵乘善馬者先至乘駑馬者後至其數十

里外者尙未至於是合六旗兵進攻薩爾滸山明兵駐營列陣發鎗礮我兵仰而射之奮力擊衝不移時破其營壘死者相枕藉而所遣助吉林崖之兵自山馳下衝擊右二旗兵渡河直前夾擊明兵之在界藩山者短刃相接我兵縱橫馳突無不一當百遂大破其衆明總兵杜松王宣趙夢麟等皆沒於陣橫屍亘山野血流成渠其旗幟器械及士卒死者蔽渾河而下如流斯焉追奔逐北二十餘里至碩欽山時已昏軍士沿途搜勦者又無數是

夜明總兵馬林兵營於尙間崖濬壕嚴斥堠鳴金鼓自衛我兵見之乘夜馳告於大貝勒翼旦大貝勒以三百餘騎馳往馬林兵方拔營行見大貝勒兵至回兵結方營環營濬壕三匝列火器俾習火器者立壕外繼列騎兵以俟又潘宗顏一軍距西三里外營斐芬山大貝勒見之使人馳告於

上時我國遠路之兵亦陸續至與大貝勒兵合明左翼中路後營遊擊龔念遂李希泌統步騎萬人駕大車持堅楯營於斡坤鄂謨地環營濬壕外列火器

上見之與

四貝勒率兵不滿千人分其半下馬步戰明兵發火器拒敵

四貝勒引騎兵奮勇衝入我步兵遂斫其車破其楯明兵又大敗龔念遂李希泌皆陣沒焉會大貝勒使人至知明兵已營尙間崖

上不待

四貝勒兵急引侍從四五人徃日中至其地見明兵四萬人布陣成列

欽定滿洲源流考

卷十四

山川

三

上趣令我軍先據山巔向下搏擊衆兵方欲登山而馬林營內之兵與壕外兵合

上曰是將與我戰也我兵且勿登山宜下馬步戰令大貝勒徃諭時左二旗兵下馬者方四五十人明兵已自西突至大貝勒代善言於

上曰兵已進矣卽怒馬迎戰直入其陣二貝勒阿敏三貝勒莽古勒泰與衆台吉等各鼓勇奮進兩軍搏戰遂敗明兵斬首捕鹵過當方戰時我六旗兵見之不及布列行陣人自爲戰前後弗相待縱馬飛

馳直逼明營明兵發鳥鎗巨礮我兵衝突縱擊飛矢利刃所向無前明兵不能支又大敗遁走我兵乘勝追擊明副將麻岩及大小將士皆陣沒總兵馬林僅以身免滅跡掃塵案角隴種尙間崖下河水爲之盡赤

上復集軍士馳往斐芬山攻開原道潘宗顏兵令我兵之半下馬仰山而攻宗顏兵約萬人以楯遮蔽連發火器我兵突入摧其楯遂破之宗顏全軍盡沒時葉赫貝勒錦台什布揚古欲助明與潘宗顏合

欽定滿洲源流考

卷十四

山川

四

其兵甫至開原中固城聞明兵敗大驚而遁是時我軍旣擊破明二路兵

上乃收全軍至固勒班地方駐營而明總兵劉綎李如栢等由南路進者已近逼興京偵卒馳告

上遂命扈爾漢先率兵千人往禦翼旦

上復命二貝勒阿敏率兵二千繼之

上率衆貝勒大臣還軍至界藩行凱旋禮封八牛祭燾告

天大貝勒代善請曰吾先歸從二十騎微行探信祀畢

上徐來

上許諾三貝勒莽古勒泰亦相繼行

四貝勒馳至

上前請與俱往

上曰汝兄微行往探汝隨吾後行

四貝勒曰兄獨往吾留此未安也遂亦行日暮大貝勒

回至興京入宮則

皇后內庭等見大貝勒至亟問禦敵策大貝勒曰撫順

開原二路敵兵已破誅戮且盡南來兵已遣將往

欽定滿洲源流考

卷十四

山川

罕

禦我待

父皇命當卽往破之於是大貝勒復出城迎

上於大屯之野

上自界藩啓行至興京平明命大貝勒三貝勒

四貝勒統軍士禦劉綎而留兵四千於都城待李如柏

賀世賢等之兵初劉綎兵出寬甸進棟鄂路我居

民避匿深山茂林中劉綎悉焚其柵寨殺其孱弱

佐領託保額爾訥額赫率駐防五百人迎敵劉綎

兵圍之數重額爾訥額赫死之并傷我卒五十人

託保引餘兵與扈爾漢軍合扈爾漢伏兵山隘以待已刻大貝勒三貝勒

四貝勒引兵甫出瓦爾喀什窩集時劉綎所率精銳二萬先遣萬人前掠將趨登阿布達哩岡布陣大貝勒欲引兵先登馳下擊之

四貝勒曰兄統大兵留此相機爲援吾先督兵登岡自上下擊之大貝勒曰善吾引左翼兵出其西汝引右翼兵登山俾將士下擊汝立後督視勿違吾言輒輕身入也

欽定滿洲源流考

卷十四

山川

三

四貝勒遂率右翼兵往先引精騎三十人超出衆軍前自山馳下奮擊之兵刃交接戰甚酣後軍隨至衝突而入大貝勒又率左翼兵自山之西至夾攻之明兵大潰

四貝勒乘勝追擊與劉綎後隊兩營兵遇綎倉卒不及陣

四貝勒縱兵奮擊殲其兩營兵萬人劉綎戰死是時明海蓋道康應乾步兵合朝鮮兵營於富察之野其兵執箕筦長鎗被藤甲皮甲朝鮮兵被紙甲其胄

以柳條爲之火器層疊列待

四貝勒旣破劉綎兵方駐軍衆貝勒皆至遂復督兵攻應乾明兵及朝鮮兵敵競發火器忽大風驟作走石揚沙烟塵反撲敵營昏冥晝晦我軍乘之飛矢雨發又大破之其兵二萬人殲焉應乾遁去先是二貝勒阿敏扈爾漢前行遇明遊擊喬一琦兵擊敗之一琦收殘卒奔朝鮮都元帥姜功烈營時功烈據固拉庫崖衆貝勒復整兵逐一琦遂攻朝鮮營功烈知明兵敗大驚遂按兵偃旗幟遣通事執

欽定滿洲源流考

卷十四

山川

三

旗來告曰此來非吾願也昔倭侵我國據我城郭奪我疆土急難之時賴明助我獲退倭兵今以報德之故奉調至此爾撫我我當歸附且我兵之在明行間者已被爾殺此營中皆高麗兵也明兵逃匿於我者止遊擊一人及所從軍士而已當執之以獻四大貝勒定議乃曰爾等降先令主將來否則必戰功烈復遣使來告曰吾若今夕卽往恐軍亂逃竄其令副元帥先往宿貝勒營以示信詰朝吾率衆降遂盡執明兵擲於山下付我明遊擊喬

一琦自縊死於是朝鮮副元帥先詣衆貝勒降翼日姜功烈率兵五千下山降衆貝勒宴勞之送功烈及所部將士先詣都城

上御殿朝鮮都元帥姜功烈及副元帥等匍匐謁見上優以賓禮數賜宴厚遇之士卒悉留黎養四大貝勒既殲南路明兵四萬人我軍駐三日籍其俘獲人馬輜重鎧仗而還是役也明以傾國之兵雲集遼瀋又招合朝鮮葉赫分路來侵五日之間悉被我軍誅滅其宿將猛士暴骸骨於外士卒死者不啻

欽定滿洲源流考

卷十四

山川

畧

十餘萬我軍邀

天佑助以少擊衆無不摧堅挫銳迅奏膚功策勲按籍我士卒僅損二百人自古克敵制勝未有若斯之神者也時明經畧楊鎬駐瀋陽聞三路兵敗大驚急檄總兵李如栢副將賀世賢等回兵如栢等自呼蘭路遁歸我哨兵二十人見之據山上鳴螺繫帽弓弰揮之作招集大兵狀已而呼噪下擊殺四十人獲馬五十匹明兵奪路而逃相蹂踐死者復千餘人庚寅大軍還至都城

上顧衆貝勒大臣曰明以二十萬衆號四十七萬分四
路并力來戰今我不踰時破之遂獲全勝各國聞
之若謂我分兵拒敵則稱我兵衆若謂我往來勦
殺則服我兵強傳聞四方孰不懾我軍威者哉嗚
呼由是一戰而明之國勢益削我之武烈益揚遂
乃尅遼東取瀋陽王基開帝業定夫豈易乎允因
我

太祖求是於

天復讐乎

欽定滿洲源流考

卷十四

山川

聖

祖同兄弟子侄之衆率股肱心膂之臣

親冒矢石授方畧一時

聖嗣賢臣抒勞效悃用成鴻勳我大清億萬年丕丕基

實肇乎此予小子披讀

實錄未嘗不起敬起慕起悲愧未能及其時以承

訓抒力於行間馬上也夫我

祖如此勤勞所得之天下子若孫觀此戰蹟而不思所
以承

天命綿帝圖兢兢業業治國安民凜惟休惟恤之誠存

監夏監殷之心則亦非予子孫而已爾此予覩薩爾泮之戰所由書事也此予因

實錄尊藏人弗易見而特書其事以示我大清億萬年子孫臣庶期共勉以無忘

祖宗開創之艱難也

鐵背山

在興京西北一百二十里上有界藩城太祖大破明兵殲杜松于此

碩欽山

明敗卒至此太祖追

尙間崖

太祖已未年破明馬林麻岩兵於此

斐芬山

太祖已未年破明潘宗顏兵於此

欽定滿洲源流考

卷十四

吳

阿布達哩岡

太祖已未年破明劉綎兵於此

固拉庫崖

太祖已未年降朝鮮兵於此

青苔峪

太祖辛酉年征明降青苔峪城

黃骨島

太祖辛酉年征明降黃骨島城

牽馬嶺

太祖壬戌年征明收降牽馬嶺城

覺華島

太祖丙寅年征寧遠遣總兵武訥格攻克覺華島

興安嶺

太宗文皇帝壬申年親統大兵由興安嶺征察哈爾

皮島

親王等率兵取明皮島太宗丁丑年遣英

呂翁山

在錦縣南十里太宗辛巳年擒明洪承疇於此

御製呂翁山詩

所過連山塔山皆我

太宗文皇帝用武之地而呂翁山則生擒洪承疇處也
蓋有明末季驟加遼餉至八百餘萬竭天下之力
奉東北一隅未收片甲之用而兵食兩誦人民離
畔我

太祖高皇帝一舉薩爾滸而遼左之業成

太宗文皇帝再舉呂翁山而關西之勢定今因叩謁

祖陵親履其地思經營草昧之艱難爰恭紀其事以示

欽定滿洲源流考

卷十四

山川

七

來許俾念

祖宗得天下之不易益勵守成之志亦以舉其殷鑒明
之鹿亡其必有以失之之故也

連山相接塔山峯溝濠壁塹凡幾重以守則固以
戰勝將以勇氣吞遼東增募戍卒號百萬重臣經
畧操鐵券朝拜恩命暮縲繼舉棋不定曾無算監
軍意氣壯且豪凌駕朝士如兒曹綿山亘海排鐵
騎謂當唾手成勲勞

太宗從容處以暇精兵已伏杏山下金支五色雲上蟠

明卒望見魂驚怕奔走禦侮多英賢投石超距衆
閒閒

君臣一德功乃建人心既單必格

天彼志離兮我志合如枯易摧朽易拉不數唐帝美良
川祇今戰氣猶森颯陸血標杵海屍浮乘潮雁鷺
隨波鷗一時破竹十三萬傷我十人斲卒儔清流
關側擒皇甫煌煌大業開疆土河山帶礪酬勲庸
於鑠雲龍與風虎乃知

皇天惟德親

欽定滿洲源流考

卷十四

山川

吳

桓桓謨烈告後人從來守成事不易殷鑒應思鹿失秦
交則爲秦塞則否九重宴安豈宜恃不見呂翁山
畔上將降猶設椒漿奠忠鬼

松山

太宗辛巳年親統
大兵破明兵十三萬於此

御製松山詩

烽銷候戍間萬古此松山羽衛經過處頻思創業
艱

塔山

太宗壬午年遣鄭
親王等率兵克明塔山城

杏山

太宗壬午年遣鄭
親王等率兵降明杏山城

御製雪後過杏山詩

峯巒羣峰玉筍攢翠微佳色入澗觀疎林蔽芾迷
歸鳥猶帶當年戰氣寒

聯騫銀鳳自飛來獨峙朝陽霽景開古戍黃蕪嘶
馬去題詩遙寄白雲隈

每逢咏雪興偏豪况對堯峯積翠高此日蕭間供
白戰曩時辛苦憶黃旄

謹案自噶哈嶺以下古無稱引而我

太祖

欽定滿洲源流考

卷十四

山川

晃

太宗肇造區夏百戰開基

駿烈豐功於是焉在諸山之名遂炳耀古今與天地
無極謹拮

開國方畧所載臚敘如右有非天作之詩噶山之頌
所能彷彿萬一者矣

附載

單單大嶺

後漢書昭帝始元五年罷臨屯真番以并樂

浪元菟元菟復徙居句驪自單單大嶺已東

沃沮濊悉屬樂浪後以境土廣遠復分嶺東七縣置樂浪東部都尉建武六年省都尉官遂棄嶺東地

〔三國魏志〕漢武帝分朝鮮爲四郡自單單大嶺以西屬樂浪自嶺以東七縣都尉主之

〔三國魏志〕沃沮屬樂浪漢以土地廣遠在單單大嶺之東分治東部都尉治不耐城別主嶺東七縣

〔冊府元龜〕漢昭帝始元五年元菟郡徙居句

欽定滿洲源流考

卷十四

山川

三

驪自單單大嶺已東悉屬樂浪後以境土廣

遠復分嶺東七縣置樂浪東部都尉

案單單與滿洲

語善延相近疑卽長白山也

蓋馬大山

〔魏志〕東沃沮在蓋馬大山之東

丸都山

〔魏志〕毋丘儉遣王頎追高句驪王宮過沃沮千有餘里刊肅慎氏南界刻石紀功刊丸都

山銘不耐城

通考漢末高麗王伊夷模作新國于丸都山

下魏正始五年母丘儉將萬人出元菟懸車

東馬登丸都山屠其所都六年儉復伐之刻

石紀功刊丸都銘不耐而還至晉建元初慕

容眇乘勝追至丸都案丸都山在高麗之丸

賈耽紀去鴨綠江口六
百三十里詳前疆域門

善玉山

魏書勿吉傳自和龍北二百餘里有善玉山

祁黎山

欽定滿洲源流考

卷十四

山川

三

魏書勿吉傳善玉山北行十三日通考作三十日有

祁黎山又北行七日至如洛瓌水案和龍為今土默特

右翼地如洛瓌北史作洛環即老哈也魏史
所稱皆未到勿吉國以前所經則善玉祁黎

二山皆在今蒙古東
南境詳前疆域門

天門嶺

舊唐書渤海大祚榮保阻自固則天命李楷

固率兵度天門嶺以迫祚榮祚榮合高麗靺

鞞之衆以拒楷固王師大敗楷固脫身還案

榮始居營州後東奔保阻楷固兵度天門嶺
以迫之楷固既敗則天不能討祚榮遂東保

東牟山則天門嶺當
在今承德縣西境

獨山

新唐書程名振攻沙卑城破獨山陣皆以少

擊衆案沙卑城為今海城地獨山亦當在其處

佛寧嶺

金史太祖度佛寧舊作益搦今改正嶺破埒克城

金史太祖以三十人詣薩哈軍道遇人曰敵

已據佛寧嶺南路矣衆欲由沙班嶺往太祖

曰汝等畏敵耶既度佛寧嶺不見敵已而聞

欽定滿洲源流考

卷十四

山川

三

敵乃守沙班嶺以拒我

金史初太祖過佛寧嶺經烏塔城下從騎有

後者烏塔城人攻而奪之釜及破埒克其人

持釜而前曰奴輩誰敢毀詳袞之器也

溫都爾山

金史上京山有溫都爾舊作完都魯今改正

哈達拉山

金史天輔五年斡魯敗錫勒哈達于哈達拉

舊作合撻刺今改正山誅首惡四人餘悉撫定

〔金史〕斡魯討錫勒哈達至希爾根河錫勒哈
達遜去追及于哈達拉山

阿魯岡

〔金史〕收國元年上率兵次寧江州西遼軍潰
圍出逐北至阿魯岡

額斯琿山

〔金史〕太祖伐巴圖與烏庫哩部沿屯水過摩
琳鄉追及巴圖於額斯琿舊作阿斯
温今改正山北樂
之間殺之

欽定滿洲源流考

卷十四

山川

三

布爾罕山

〔金史〕太祖克寧江州使羅索招諭係遼籍女
真降伊屯伊罕路達哈藩卓勒等敗遼兵于

布爾罕

舊作婆刺山
趕今改正

呼岱巴岡

〔金史〕收國元年追及遼主于呼岱巴

舊作護
步荅今

改岡
正

古納嶺

〔金史〕烏楞古與遼托卜嘉戰敗之斬托卜嘉

古納舊作酷輦今改正嶺烏爾圖罕等十四達哈藩皆降

托輝山

金史呼實默率族屬部眾詣薩哈烏珍降營

於托輝舊作駝回今改正山之下

色辰嶺

金史烏春舉兵來戰道色辰舊作斜寸今改正嶺涉

和倫拉林水舍于珠格部阿勒哈村案金史又有色

辰水

欽定滿洲源流考

卷十四

山川

番

巴固嶺

金史訥格納遜去烏色督軍而進至巴固舊作

巴忽今改正嶺西茂密水及之大破其眾

曹家山

金史瓜里攏咸平賊勢益張權曹家山明安

綽奇集兵千餘扼于夜河賊不得東綽奇敗

瓜里遂犯濟州

珠格崖

金史斡罕自泰州往攻濟州元帥完顏默音

等至珠格

舊作木虎今改正

崖輕騎襲其輜重幹罕

還救遇于長樂官軍馳擊大破之幹罕率其眾西走

〔金史〕默音率諸軍討幹罕會兵于濟州過泰州至珠格崖乃捨輜重輕騎追之及于霧靈河急擊敗之

梟嶺

〔金史〕大定初契丹叛宗室襄從默音討賊戰於肇州之長樂賊走霧靈河復從布薩忠義

欽定滿洲源流考

卷十四

山川

五

追賊至梟嶺西之陷泉及之

案今翁牛特左翼西南一百十

里有梟嶺字形相近或卽是也

佛們山

〔金史〕世宗二十三年遷山東東路八穆昆處之河間其棄地以山東東路特赫河明安下扎哈穆昆額勒敏鄂勒歡明安下錫布穆昆

佛們

舊作付毋温今改正

山穆昆九村人戶徙於瑠僧

安和二穆昆之舊地

案此以舊地名所遷之明安穆昆

羅卜科達巴

金史布薩師恭上京羅卜科達巴

舊作老哈達葛今改

正人

多科阿林

金史圖克坦繹其先上京阿勒楚喀人祖薩

噶爾瑪克國初有功授隆安府路哈濟穆昆

多科

舊作奪古今改正

阿林明安

海蘭哈達

金史完顏特爾格襲父率賓路海蘭哈達明

安

欽定滿洲源流考

卷十四

山川

美

薩巴山

金史烏庫哩元忠大定十八年授薩巴

舊作撒巴

今改正

山世襲穆昆

伯爾克山

金史富珠哩阿嚙罕隆州伯爾克

舊作瑟商葛今改正

山人

禪嶺

金史烏雅沃哩布海蘭路禪嶺人也

巴爾嘉山

〔金史〕延扎們都隆州巴爾嘉舊作帕里山人也干今改正

烏克敦山

〔金史〕烏雅富埒瑋海蘭路烏克敦舊作烏古敵昏今改正

正山人封嗣國公孫扎昆襲烏克敦山世襲

明安

阿穆濟山

〔金史〕通吉義哈斯罕人也徙居遼陽之阿穆

濟舊作阿米吉今改正山

欽定滿洲源流考

卷十四

山川

五

博諾山

〔金史〕永元天德初授博諾舊作百女今改正山世襲

穆昆

烏爾古山

〔元〕一統志烏爾古舊作吾里哥今改正山在遼陽路廢

博索府

濛溪山

〔明〕統志濛溪山在三萬衛東北七百四十里

松花江東岸

牛心山

明統志牛心山在三萬衛東北二百五十里

艾河北土河東

案今喀喇沁左翼有牛心山土河在喀喇沁右翼東南百

八十里或卽是也

額爾根山

明統志額爾根

舊作阿兒干今改正

山在三萬衛東北

三百五十里古信州東

謹案自單單嶺以下皆散見諸書而金史尤駁或今古殊稱或傳聞未審求之音譯時有

欽定滿洲源流考

卷十四

山川

五

相通而考之輿圖未能確証類附于後以謹傳疑至明時以山川名衛者具詳疆域門茲不複載